



08054

鹿皮子集卷之三

元陳樵撰

郡後學胡鳳丹并樵校梓

七言近體

題建炎遺詔

解下塗金膝上衣

一作蛾眉金縷衣

忽忽命將墨淋漓圖中吳

楚無端折月裏山河一半虧銀漢經天都是淚杜鵑入

洛不如歸黃衣傳詔三軍泣不是班師詔岳飛

呂氏樵隱圖

山藹氤氳溼綠蓑無人空谷伴狂歌千年甲子碁邊老

卷三

鹿皮子集

一

退補齋藏板

兩字功名世外多乳鹿穿雲覓芝草驚猿抱子度烟蘿

心閑便是神仙侶莫對癡兒說爛柯

不蛺蝶圖

禁御名園信所之深紅膩紫共春暉人疑落葉有生色

我道飛花上故枝掌上豔姬垂袖舞屋頭故吏竊香歸

花中只許秦宮活未必莊生入夢思

太霞洞

石林深處鈿胡麻幾度登臨送日車雪到峰頭猶是雨

雲生石上半成霞相看露下朝華草不放春歸冷豔花

地冷花遲。一作樹臨陰壑元無影日傍晴烟不度花魏紫姚黃風捲盡人閒蜂

蝶到山家。一作暮夜相過玩清月山前鄰笛兩三家

飛雨洞。流沫成雨中有小泓

蜀天萬里入東州。一作天梯石棧落東州冷翠侵扉翠欲流朱鯉

有靈時出穴白狐生火幾經秋山中十暑寒猶在潭上

千年雨未收昨日西林晞白髮溼雲依舊滿貂裘

碧落洞

灑氣翻衣露滿懷人言天上我驚猜近從月裏種花去

遙見鼎湖飛葉來使我加餐有黃獨為人題榜是青苔

卷三 鹿皮子集

杖頭化作光明燭願逐東皇下九垓。又一首云聽盡東林夏雨聲自攜桐

几下巖扃白雲持得人誰寄明月攀來桂未生雨後引

苔書洞榜霞邊摘葉寫山銘如何地絕重黎後猶自披

雲望玉京

蘿衣洞

蘿衣草帶護烟蓑。一作手攜綠玉下山阿楚國狂夫尙楚歌石影

到溪千丈勁藤痕入木八分多泉分少白山中雨衣取

雲門寺頂荷。一作卷中真跡臨紅葉身上生衣捲碧蘿又作僧披榭葉收芝菌客厭蘿衣種芝荷

洞口樵人誰語汝碁邊相遇懶相過

五雲洞

飛梁

一作漁磯

壓水石苔蒼洞口飛泉瀉

一作下

石梁屋上春

霞常易散雪中樹影不會長陰雲滿地晴飛白雨蝶依

林暗貼黃

一作松花入酒傳香碧具葉分題寫硬黃又作飯收菰蔣叢邊米藥聚梧桐葉上霜

裏芙蓉渾忘卻蓑衣日日釣滄浪

巴雨洞

溼雲侵袂

一作衣洞

細泚泚自曬蓑衣石上楓海月長來飛

雨下仙家半入漏天中石稜近水依崖長山柿著霜連

葉紅卻笑當年補天手煉成五色竟無功

梅噉石

卷三

鹿皮子集

三

退補齋藏板

篁竹瀟瀟暗

一作隔

水鳴朝噉奕奕耿殘星繁枝無處分

南北明月何時厭死生石樹裹雲長自溼日華映雨半

邊晴霜晨露夕長來往幾度攜琴鼓再行

越觀

在巖頂

吳根越角雨茫茫石傘峰頭俯大荒鳥道北來通禹會

雁程南去盡衡陽雲移暫覺天河沒月暗不知松影長

天姥若耶他日事明朝采蕺下山梁

陳氏山林春日雜興

贗水殘山瘴海濱一丘一壑可全真月華

一作夜光

雖死猶

隨我春色爲塵亦汚人石護生香成石乳花連別樹作
花身他年終擬忘名氏碣石桐江理釣綸

新接桃梅
一作人間傾

奪非吾願忠恕
吾知可感神

溪亭

百尺層崖接翠微潭空石影曉離離雲隨白鶴翔千仞

月與青猿共一枝不信水深騎赤鯉曾因夢裏口黃鸝

一作床下苔花大如
席亭前八字細成溪

芳洲翠羽無人拾自補山中白接

羅

醒酒石

在少微巖下有窪樽

卷三

鹿皮子集

四

退補齋
藏板

夢渴醒來賦楚騷

一作首
屢搖

紛紅駭綠未全銷樽空鸚鵡

杯猶在歌罷琅玕樹尙搖夜久月方臨石上雲低雨不

到山椒平泉池館吾無分栗里徵君或可招

翻經臺

石函朱几曙雲中雲散臺高萬象空枝重有時來白鳥

雨殘無處看晴虹血書貝葉三年碧秋入蘿衣半袂紅

幾度山人同聽法翠微深處石池龍

東白草堂

屋後茅籬與水平屋頭怪石列爲屏捲簾帳下雲先去

步月庭前樹欲行

一作齋餘瓢裏水猶活晦近花前月尚生

白雨侵階渾是

綠黃

一作山

童食柏久應青如何庭下朝陽影盡在少微

巖上明

望月臺

在巖下

玉簫吹斷暮雲平散髮臨風露

一作夜

氣清尾見欲當南

紀出月銷半入楚天青松高琥珀無苗出蟾老丹書滿

腹生桂子何年生一作來石上丹英零落樹冥冥

銀谷澗空碧亭

水光山綠滿闌干上有琉璃萬頃田水鳥臨池青入羽

卷三

鹿皮子集

五

退補齋藏板

仙人唾地碧如天雨添銀谷空中翠雲是舊桃花上烟

只有垂猿

一作綠衣

無倒景有時弄月到亭前

地多海棠一作有時卻

挂綠 廳前

少霞洞山居

少霞洞口

一作裏

採金芝千歲山南

一作前

聽碧雞煮石鼎

中饒綠薤封書口外有丹泥度關僧寄婆羅樹入市人

傳木客詩又

一作邵

抱瑤琴向陰洞青禽啄碎碧梧枝

圓谷澗

一作臺

雲在闌千葉在庭瓢

一作裏

中無藥事

一作自

飛騰丹霄有

路星辰近

一作長河如帶東南拆
又作銀河屬地西南溼

明月無根日夜生滿

袖天香和夢冷半村雨色傍林青仙人約我瓊樓上一作

瓊樓玉宇
丹霄裏只恐月中秋更清

少霞洞一作室

煙霧霏霏溼麝媒一作長
綠苔文生綠硯硯生苔一作海棠
滿徑不須

栽天風拂地鳳笙下楚雨人吳龍女回石壁水花一作
壁上

水紋泉湧出海棠一作
花前春色鳥銜來洞天只在風塵外門

外遊塵拂不開

圓谷澗

卷三 鹿皮子集

六 退補齋藏板

水樂聲中共夕涼雪花片片灑衣裳山中古樹如魚大

一作碩果
如瓜大水上遊絲似線長一作
雨長柳絮散為萍梗紫花

根梁作牡丹黃一作采藥奴春菰作
米談經人指樹生薑自從西域神僧死

一作僧
祇去澗上一作
南地無人識水香

少霞洞

柏葉山前綠石屏溼雲墮地不能飛青童臥護千年鹿

木客相傳一派詩龍帶雨花臨硯滴一作
海僧添榭葉上

秋衣山人晏坐青霞外飲露飡風度歲時

秦素壇

竹死烟寒樹不榮石壇千仞與雲平春來天上元無色
雨到人間方有聲夢入松風吹不斷詩如芳草剪還生
陶山北望飛霞散夜半有時孤鶴鳴

一作他年學製鄒生律盡種山樊與

杜蘅

招隱巖

一作山

何年積蓋與山齊樹轉峰回草徑微野火裂爲方解石
秋風不到寄生枝誰來樹下看雲坐半入人間作燕飛
簪笠巖

一作柏葉山

前今淨社不須更草北山移

紫薇巖

在蘭池上

卷三

鹿皮子集

七

退補齋藏板

手種巖花對札峰花閒無葉紫茸茸人行鳧雁不到處
家在鷲花第幾重綠水值陰還又碧青春著樹卻成紅
紫霞莫入絲綸閣且伴山中白髮翁

札峰

皂閣山前小水明巖峰無影樹亭亭人從煙雨上頭立
詩到鷲花過後清雲傍樓臺低地碧天將草樹染春青
名山何事窮幽僻臨水登山已稱情

石甌峯

柏葉山前鶯亂啼小樓西望石離離北峰雲出何曾斷

一作籠中雲
起長如溼東郡一作門外山凡不解飛蘿蔦相扶根著樹蟾蜍不死肉成芝黃梁夢短風塵暗不是山人好食薇

飛花亭

昨日朝華照夕曛又看夕秀比朝茵松高猿見古時月
花晚鶯添幾日春盛露囊中封臍藥無塵袖裏裏吳雲
人間何用春長在只愛飛紅日日新

水亭

有流羽泉

少鳳飛花照水盟一作門外飛
流拂石稜水禽衝浪動軒盈一作
溼簾

旃雲從薜荔衣中起雨向琅玕樹上生曲水傍人一作
陰澗

卷三

鹿皮子集

八

退補齋
藏板

有泉流白羽嬌花無語答黃鸝澗中日與山中日一作池
中日與

清涼臺

水邊石影覆松亭洞口飛雲細細輕花重只因雲下溼
草寒誤向影中生好風入夏傳芳信片雨隨龍度月明
不用破瓜沉綠李自從雪後有餘清

忘憂閣

宜男葉上幾飛螢一作冷
雲生夢筆醒來笑倚楹一作聽盡
風聲聽水
聲
天外唾如雲樣碧一作杯裏酒
連天共碧江南春與草俱青

寒已喜松丹熟燭盡只消華豔明無喜亦無愁可解山
人投老竟忘形

南軒

澗底菖蒲綠滿叢石根水竹傍梧桐人來遠地見山碧
月未冷時如日紅春水有聲通北澗晚花無信誤東風
人閒不是高寒地那得春紅入夏中

雲山不礙樓

飛花墮地柳依牆很石侵檐逕草香人道峽中無落月
我疑肘後有垂楊庭虛只放溪雲度水淺不妨松影長

卷三

鹿皮子集

九

退補齋
藏板

卻憶壺中天地闊十洲煙雨正茫茫

野芳園

桂子紛紛入我懷海棠芳桂雪生葩日移深澗松陰上
風引前朝樹勢斜芳草無名多是藥雲藤著紫不須花
牡丹未入曹劉室元白歐蘇不用誇

蘭池

空翠亭前露草繁自栽蘭芷雜芳蓀猿窺澗底風林動
鶯踏花閒水影翻蚤就山林成獨往晚從桃李學無言
國香只合依泉石種向人閒恐礙門

空翠堂

蕉葉莢葵照檻明山光入室雨初晴
平分天上無邊色送盡江南未了青
息石長年依砌活茯苓無種入庭生
亭西昨日林霏重探藥歸來露滿庭

山齋

一名草易臺

幾一作秋

夜山中作月荒晨朝挾冊傍初

山一作

陽懸崖種

菊紅多葉開戶見山青一方

一作登臺望越王陵遠開戶草玄枝蔓長

石上

章編新汗竹研中白露半成霜
羲皇未畫非無易石室

遺一作成

書不用藏

山園

卷三

鹿皮子集

十

退補齋藏板

洛陽池館半桑田斷竹操瓢日灌園
春日花連小東白暮年草創大還丹
蕨薇自古猶長採桃李于今竟不言
松桂桑榆隨地暖雨餘苜蓿又闌干

壺天

在澗上一作壺天閣

宮殿隨身信所如寓形一室似樓居
神遊八極皆吾土

天入三山

三神山

不滿壺雨夜無人共清月水扉幾度種

丹魚山童長怕漁舟至不放桃花下五湖

一作剡海中閒別一區普

香香積是通衢花連葉蔓疑無路天入靈山不滿壺芥裏須彌空處有階前地影月中無自從漁父穿花去不

放桃花
下石渠

鹿皮子墓

土蝕苔

一作石上藤

侵古瓦棺化臺深鎖萬松開坐看天上

樓成日吟到人間詩盡年句漏無靈丹竈冷孟郊未死

白雲閑江南春草年年綠又向他生說鄭玄

遊絲

兜率宮中拂不開支機石上亂成堆趨凌塵埃高千仞
束縛虛空斷幾回又逐飛雲縈草樹暫隨片雨挂樓臺
詩成猶憶宣和腳透過澄心紙背來

卷三

鹿皮子集

十一

退補齋
藏板

臨花亭

主人病癖愛年芳春日花荒夜月荒調水分符到西澗
惜花封淚寄東皇天生國豔春無價日繞遊絲風有光
物色是空非是色枉教蜂蝶一生忙

冥情愁風喜晏陰夜遊秉燭晝傳殮香添荔子能消日

粥費桃花怕減春綠暗有人來折柳紅飛剪紙爲招魂

竹閒午夢時驚覺滿眼卿雲覆錦茵

芳草生烟蒨在房鞋紅左紫共芬芳丘園風雨三家市
草木文章萬丈光花正欲言還寂嘿春無自性不堅良

晚來只有鴉紅在莫放香絲取次黃

滿樹琉璃閒碧瑤當歸葉長映芭蕉樹頭生雨時時溼
春色如花日日銷杜宇有言終不踐綠魚新種已生苗
今朝百舌聞鶯語飛上梧桐特地嬌

右挾長鏡左帶經蔬畦藥圃照衣明客來青鳳穿花去
草盡蒼苔上樹生靈藥易荒長檢枝繁花無賴枉丁寧
來禽青李成陰後更覓楞梨日給勝

花在人間春自歸去來何用杜鵑知鶴銜瓊蕊來仙苑
雨引山薑過別枝天出異香薰寶樹日將五色染遊絲

卷三

鹿皮子集

十二

退補齋
藏板

主人莫賦傷春句但使百花無盡時

雨後金沙入柳陰紫薇紅藥正紛紛客來只道天開畫
春去盡將花囑人越鳥啄殘松下子吳僧寄到水中雲
蓮紅直到梅花發何處人間不是春

松邊柳下日徘徊鳥散飛紅墮酒杯芍藥成叢當戶出
茯苓分種傍松栽雲高卷雨從風去花晚將春入夏來
亭下日紅如斗大耐看不似玉玫瑰

遠山過雨綠崔嵬竹外青松竹下梅滿樹丹青隨物換
平生富貴逐春來歌珠一串鶯流出花影數重風揭開

關右牛酥賤如土莫教紅紫落成堆

遠目樓

天垂平野樹團團雨過平蕪綠更鮮何事高梧遽如薺
只消寸草已凌煙山遮春欲歸時路雁入鳧飛不盡天
廬舍似蝸人似豆天開粉本夕陽邊

蠟屐亭

晉阮孚避亂婺州

七賢老死獨南奔袖有江亭墮淚痕函夏盡爲新土宇
醉鄉不失舊乾坤金貂曾入丹陽市蠟屐應歸白下門
惆悵黃門墓前柏不禁三度見風塵

西峴峰

寺傍皆官山

卷三

鹿皮子集

十三

退補齋藏板

聽盡熙寧水樂聲斷碑無字倚荒庭雲歸僧舍樹皆溼
犬吠獵圍山謾鷹覆屋松陰遮日黑隔林春色爲官青
故侯轍迹無尋處丞相題詩擬峴亭

雨後看山對酒歌飛紅駭綠滿巖阿

一作紅錯綠漲草成窩

萬重

山外碧方寸五色雨中青最多亭下日生霞暎草松根
苓長葉成窩

一作峯漸欲危通月過路遮不斷奈春何

江源分付西流去莫

作門前東逝波

涵碧亭

劉禹錫題涵碧亭猶能三伏凜生秋

涵碧池頭夏氣清我從三昧起經行移樽近樹傳盃綠
向日看山人戶青人似亭前花不語詩如江上草無名
山中水調知何限不入熙寧水樂聲

大谷沿流曳杖行亭亡白谷半爲陵蟬驚兩腋風初定
樹少多年秋不生水急溜穿南澗石雲深黍沒夕陽僧
龜茲板上元和腳猶有劉郎舊姓名

丙戌

池曲奔流下石渠池頭空翠溼煙蕪夏禽反舌餘聲盡
薜荔連墻寸影無僧爨屋頭猿掛樹烏銜窗外雨生魚
長安才子看圖畫云是仇池隱士居

丁亥

上虞魏氏湖上精舍圖

卷三

鹿皮子集

十四

昆甫齋
藏板

湖上蘭舟水上亭有時水漲與階平亭前古柳經春弱
門外孤洲昨夜生海氣遙連一作侵育王塔蜃樓半入會
稽城山陰道士攜琴至寫盡風聲到水聲

停舟日日望東溟蓼岸蘆洲露未凝沙戶得花聯作口
吳姬雪藕織爲繒馮夷送月臨軒落海若分潮入井生
朝暮屯蒙丹自熟披沙莫學趙臺卿

雪巖石室

懸流脈脈又涓涓澗水爲花到席前我爲天穿來煉石

僧從雨下度流年月
中溜灑黃金淚壁上雲生火玉烟
山下四鄰皆雨外
天瓢枯槁蟄龍眠

洞天無暑亦無寒
淑氣芳風不出山
掃葉僧歸雲未溼
賣花人去蝶先還
滿庭脩竹落黃葉
千歲古松生綠煙
盡道雪中依裸壤
我疑夏室是冰天

樓閣天然石削成
山爲棟宇石爲楹
丹砂伏火有光景
石屋依空無死生
葉落世閒多月色
瓢亡林下欠秋聲
山中水石皆吾黨
竹兔松雞不用驚

滿林翠霧溼麻衣
山影遙侵白板扉
竹石無心吾所畏

卷三

鹿皮子集

五

退補齋
藏板

煙霞有疾不須醫
夢騎鶴處天逾闊
歌渴雲時花不飛
燕子飛來背人去
吾廬無地可棲遲

巖穴冬溫夏氣清
有時采蕺度峻嶒
閒雲起作飛雲去
今雨還隨舊雨生
樹上菟絲低窄地
階前息壤暗通靈
人閒甲子何須問
只憶山花幾度榮

丹萸滿地藥生茸
著屐登山春正濃
委羽山人來相鶴
天台道士去投龍
風傳花信歸何處
日卷松陰展向東
不見霜巖松下竹
空王未作已心空

石樓草廬

一室寬於一畝宮隔林竹樹影重重青春著地十分綠
白日經天兩度紅小草自憐無遠志茯苓終不近孤松
未須西憶金華洞只在週回百里中

楚氛千里海連淮思子臺前望母臺春在地中長不死
月行天盡又飛來林亭清論松爲塵荷屋寄生花作胎
七十九年殘喘息欲從李白上天台

哀江南効李義山

幾年王謝望升平戎馬臨淮日繞營萬里口塵暗京洛
五朝王氣在金陵臨春閣上華林近玉樹歌中璧月生
獨有紹興經亂後聖賢相遇頌中興

慧力寺斷崖

僧緣鳥道上穹蒼下視斷崖千丈強百里週回玄鶴洞
羣仙出沒白雲鄉山藏宿雨禾生稼日轉垂猿影過墻
未若鼎湖天地絕無人折得碧蓮房

卷三

鹿皮子集

六

退補齋藏板

鹿皮子集卷之四

元陳樵撰

郡後學胡鳳丹月樵校梓

落花圖

紅如肌血薄如鱗
李下桃根五色痕
拂地暫隨風絮轉
繞亭不似雪花深
人亡碧玉名猶在
煙盡黃金鑛尙存
滿地丹鉛污草棘
何時凝綠遍丘林

空碧亭

晴光潭影共澄鮮
雨外林陰色更妍
碧海如杯誰縮地
青冥著水誤憂天
河垂澗底遙相屬
斗入人間卻右旋

卷四

鹿皮子集

一

退補齋
藏板

病叟年來倦登陟
朝朝翫水夜聽泉

長林衣被蔚藍光
水樹重重護曲防
碧落不隨河顯晦
白榆卻種澗中央
石泉飛落萬漚發
松影淡時千丈強
我向札峰高處下
如何倒卓柳陰傍

河漢縱橫北斗翻
縣泉激石起層瀾
水流石上舒還卷
月繞樓頭碎又圓
龍火溼光生澗底
仙人倒影落人間
無邊空處無邊地
盡入鷗邊一尺天

星河水鏡自徘徊
白石清泉是鏡臺
人道月從亭下出
我疑空入土中來
崖陰水色濃如染
風裏波紋熨不開

一碧是天還是水池頭涼夜碧如苔
樓臺倒影照虛明細浪鱗鱗去不停風舞翠綃浮略約
月移黃素上軒檻蔚藍天近池深碧烏柏葉消泥轉青
牀下一波添一月青銅鏡裏一時生

空碧亭老梅

雲蒸雨蝕半枯槎空碧亭前雪一車曲誤掀翻簾外朶
月移不動水中花十年春信隨風度半畝崖陰逼樹斜
暮景無何水仙至萬花頭上欲饒他

石磴

卷四

鹿皮子集

二

退補齋
藏板

磴平如席草茸香盛夏宜人石氣涼杜宇血銷添碧燐
山雞食罷化餘糧赤松有約吾將老白髮無愁不解長
醉則枕流眠枕石看雲不復據胡牀

菊菴

秋深紅紫滿秋籬蕙帶蘭英綠照扉
爰飲澗中甘鞠水雲粘石上舊蓑衣
月知人境來相覓花有心情死不飛
桃李自開還自落卻疑蘭菊未忘機

山房

冷雲堆裏散人家鹿幘羊裘不衣麻
門外樹身無歲月

山中人語帶烟霞雲侵壞衲長生菌風斷遊絲半度花
采葢林深人不見連筒引水自煎茶

秋色觀

庭前丹葉映榆黃水傍芙蓉晚桂芳樹入畫來新著色
山無錦裏只憑霜水中烟帶秋雲冷花上月如春日長
不是風沙千萬里不知何處覓秋光

飛觀

日高空翠拂簾旌茅閣飛飛照日明銀色榜題章草字
烏絲闌寫越花名何須舉翮乘風去曾入浮宮看月生

卷四

鹿皮子集

三

退補齋
藏板

卻笑羣仙餘習在隨身宮殿逐人行

絕唱軒

問誰投筆早來過春日華陽春睡多懷裏錦空鯨已卷
松根苓長葉成窩詩無獺髓痕猶在夢有鸞膠斷若何
洛下書生無苦思我今餌藥臥山阿

飛雨亭

飛泉五色暎花梢秋色觀前看玉豪花落空中和月冷
樹當溼處見雲消依依雨氣侵螢火一一水紋生鶴毛
幾度下簾山影動臥看紅日到芭蕉

散菴

漱流枕石傍寒林散髮酣歌稱散人蝴蝶枝頭無昨夢
初蟬葉下見前身衣沾寶掌泉中雨肉有盤陀石上紋
不見屋頭樗櫟樹無材人用老猶存

麀谷

幾回木落聽秋聲又被春風染樹青疎竹陰中山影重
冷雲葉上雨花生寒沙引水來遊鹿別樹開榛種茯苓
石廬峰南餽峰小許渾詩裏舊知名

麀谷澗

卷四

鹿皮子集

四

退補齋
藏板

清流拂石下巖隈澗底菖蒲曳綠苔野鹿避人懸樹宿
溪魚乘水上山來翠連春草誰能拾風觸石崖彊半迴
自入夏來涼意足更移脩竹澗邊栽

伏蟾山

山上飛雲去不留山中蟾兔又經秋斗臨河曲侵鷄尾
露上莎根到草頭綠桂花中歌白苧碧梧影裏飯青牛
有時竹上蟾蜍下滿腹丹書溼欲流

寶掌泉

屋上無端雨亂飄雨留石罅碧寥寥浮光出穴藏丹淺

浣水爲花到地消石髮年深長滿洞玉魚春冷未生苗
泉山自是蛟龍窟頃刻陰雲滿樹腰

尋春園

覓春無路得寒林萬里清和此晏溫載酒尋芳常恨早
無金入塢只藏春柳濃不似生時色花斂仍依褶處痕
獨有悠然觀前月石林寒絕也隨人

月樓花落水侵岑紫石峰前綠又新承露盤中盛臈藥
無塵袖裏有晴雲松高猿見古時月花晚鶯添幾日春
籬口口口口尋不見楞梨綠李下紛紛

雨望臺

烏傷墓道有無間興濟橋東眾綠繁林外日斜虹有影
堦前雲去石留根葉隨風轉時過樹雨傍山來不入村
更著蓑衣看瀑布天葩日暮正翻翻

山館

石巖峰前綠草肥菟絲挾雨上梧枝天台道士投龍去
少白山人相鶴歸苜蓿帶茸初暎日雕胡落釜半成糜
石楠花落無人掃誰臥水陰歌采薇

山莊

卷四

鹿皮子集

五

退補齋
藏板

澗中薏苡綠如藍
枸杞黃精滿屋山
掃葉僧將猿共爨
賣花人與蝶俱還
雲生石筍埋雙樹
雨引銀涎過八埒
林下四時春不去
澆花采藥送飛年

琴臺

臺下湧泉如鼓鐘
亭無燕語有風松
石根漸見蘭成畝
影裏不知花幾重
月夜聽泉翻羽調
水聲和譜寄山翁
自從獨往窮山後
不見繁聲入亂中

飛花亭

細桃濃李墮餘香
水麝衝雲度石梁
芳樹斂華貪結子

卷四

鹿皮子集

六

退補齋藏板

嬌花無骨不禁霜
烏銜墮盡春無色
日轉游絲風有光
杜曲詩人愁欲絕
山人不解惜年芳

游子拈花怨落暉
山人猶恨落花遲
絮拋簾下鶯無力
果在蕊中人不知
紅日正酣那是雨
青皇臨別更留衣
年來杜宇惜人事
卻向陽春去後啼

梅殘直至落花飛
紅映飛花綠映葵
風信入林添淨食
春光一線上游絲
絮輕便欲排雲去
花好多應換骨來
二十四番都掃盡
水花剪下作寒梅

風香亭

池頭爽氣日徘徊竹院何曾有麝媒月殿桂枝飄子落
鼎湖蓮葉轉空來風隨太乙凌波起花爲胎仙傍水開
香積界中天地闊景差何用上蘭臺

春日閨思

白玉堂前雙燕飛堂中思婦怨殘暉臂環寄遠青蕪合
瓊字題乾白雁歸醉倚合昏驚葉暗愁尋豆蔻妬花肥
窗閒昨日同心錦染罷香絲不上機

席家洞

洞在席家谷
日前後相通

天梯石棧落霞邊月地雲階且醉眠束縵才通山北戶

卷四

鹿皮子集

七

退補齋
藏板

崩崖盡展洞中天雨餘秋菌化爲碧石上霜風不解丹
聞道仙人曾控鶴羽衣環珮玉珊珊

石筍

金莖半折尙亭亭銅柱稀微見刻銘花日漸移連影動
石根不死有香生山前留眼通靈海天上無人記摘星
何處人閒覓此竹昔年曾出夜郎城

霹靂石

雲根斷裂翠崚嶒七筍都忘世已驚玉女今爲擣衣石
晉人猶覓少微星松高琥珀無苗出蟾老丹書滿腹生

卻憶天台狂道士石中衣被竟通靈

春跳銀溪

枕石聽泉伏草萊跳銀溪上日徘徊山間遠樹迎人出
日轉晴虹渡水來雲氣長連西澗石春寒猶在北枝梅
谷中幾載秋無黍沙上菰蒲暖更栽

無人書房

休名不立死如麻挾冊空山望碧霞書在終難招李杜

灰寒無處覓陰何

一作門外雨生雲沒
鶴松根苔長葉成窩

春歸一尺人間

淚雲暖萬重煙際花

一作天雞颺下唐時
綬越鳥銜來楚地花

風景尚堪留

卷四

鹿皮子集

八

退補齋藏板

研席浮生憂樂向來多

園

築園卻欲留方士一室園中度歲年有客持雲坐盤石

無人伴月出蘿煙晴晞白髮三千丈寒折朱絲五十絃

立圃方壺君莫問人閒回首卽神仙

春日題水軒

黃金綠水細粼粼葑合平池綠似雲鸚鵡無言初病瘴

丁香不結又經春行稀蠟屐留前齒坐久玉琴生斷絃

幾度凭欄愁舉袂春花半作庾公塵

樓氏雲樓

試上雲梯興不窮，虛窗瀟灑絕塵踪。
雲含雨氣三千里，樓插天心第九重。
碧瓦朱甍嘗病鳳，白衣蒼狗不從龍。
眼前景物清如許，詩思還開錦繡曾。

繡衣亭

分題送李齊賢三首

彩鸞銜誥傍花飛，知有恩榮出帝闈。
八角靈文金作冊，三天使者繡爲衣。
華陽洞古亭猶在，句曲山深鶴未歸。
寄語仙人張伯羽，何時邂逅說玄微。

占星臺

卷四

鹿皮子集

九

退補齋藏板

椎碎臺前六合儀，登臺猶自說璿璣。
靈槎有客侵河鼓，別墅何人覓少微。
銀漢經天還北拱，玉蟾入月卻西飛。
太平共喜興文教，奎壁煌煌夜吐輝。

半湯湖

湖上殘煙弄薄晴，湖堤楊柳午風輕。
白波只尺分寒熱，赤鯉東西異死生。
天向月中藏日髓，人疑陽裏有陰精。
廣文暇日頻相過，幾度沉思翫物情。

暨陽湖

分題送李仲常江陰知事三首

白浪浮天雪作堆，羞將俗客洗塵埃。
月從水底沉鉤去，

船似鷗邊泛葉來野屋有籬編白菰漁磯無席藉蒼苔
功曹吟苦多詩渴擬借平湖作酒杯

釣臺

憶昔玄璜上釣鉤鷹揚曾起佐姬周臺高人在空中立
雲靜天從水面浮石裂猶疑千古雪風吹不斷一絲秋
政成蓮幙多清暇他日停驂此地遊

翠光亭

亭前練水細如縈亭上君山玉作屏林斷纜通吳月白
雁飛不盡楚天青莓苔著雨長黏石翡翠迎風欲墮翎

卷四

鹿皮子集

十

退補齋
藏板

惟得步兵迷望眼詩成正值酒初醒

詩林亭

少日論文氣似霓看花覓句到花飛吟成思入月中去
語冷心從雨外歸林下樹寒和石瘦雲邊螢溼度花遲
眼中有句無人道投老拋書衣鹿皮

玉雪亭

蓬萊山頂玉爲峯夜夜晴光吐白虹石髓多年化韶粉
冰華無意屬東風一天素月連雲冷萬斛明璣墮地空
只恐高寒禁不得乘鸞飛度碧瑤宮

梨雲柳絮共微茫春入園林一色芳
杓杞通靈空吠月
芙蓉到死不禁霜
夢遊蓬島瑤臺曙
歌落吳雲玉樹長
亦擬廣寒親學舞
朝來新製白霓裳

冰夷遊遍列仙家
片片臨風散
六花陰壑有光迷
白月亂山無處覓
青霞臺高漸見石
稜長枝重不禁梅
影斜聞說銀河都
剪碎津頭幾欲問
星槎

六丁鑿碎玉稜嶒
刻玉爲花笑
裂繒石蜜和漿調
露葢茶鐺無水斲
崖冰城頭看樹低
三尺雲裏有山知
幾層欲寄江南問
春信珠璣落紙筆
花凝

卷四

鹿皮子集

十一

退補齋藏板

凍雲巖壑曉瞳矓
目極齊州望
欲空落月回光窺
上界嬌花無信誤
東風曲吹鐵笛驚
雲散槎向銀河與
海通野客燒丹深
洞裏自調火候似
春融

花遶亭臺水遶門
壺中別是一乾坤
銀蟾飛去秋無色
白石長來雲有根
樹印蚪枝翻畫譜
僧調獼髓補詩痕
相如健筆誰堪繼
好騁詞華賦兔園

銀漢傾翻貫月查
驚鴻無處認江沙
水晶簾密秋光冷
華蓋峰高天影斜
飛瀑半凝蒼玉珮
薰風不度碧桃花
山前山後多鄰曲
盡作江南富貴家

俗塵無路到巖扃瓊作池臺玉作亭海月寒通千頃白
楚山瘦減八分青回屏紋細裁毳甲野褐年深補鶴翎
應有才華奪天巧天葩飛墮滿中庭
羽仙飛步駕青鸞仙袂臨風響佩環琪樹多根來月裏
瓊花無夢落人間春回壠首梅先覺舟入山陰客未還
我亦玉堂揮翰手他年鷓鴣筵朝班

送蔡竹澗江山教諭

仙霞嶺與落霞齊乘興吟遊日未西簾影到池元是水
穀紋浮雨卻成溪煙清院竹鸞窺客日暖官芹燕拾泥
莫道廣文官況冷窗前生意草萋萋

卷四

鹿皮子集

七

退補齋
藏板

送余善之歸瀏陽

瀏水沉沉上有山駱駝洲渚鬪漩澗浦楓不向霜中赤
湘竹猶餘淚下斑書屋昔年驚遠別錦衣晴晝喜初還
哦松未盡平生志莫戀亭臯放白鵬

次王吉夫暮秋旅懷韻

風吹白日下遙天容易人間換歲年菊老不隨霜共落
雲飛卻與雁爭先探囊野草皆爲藥入市山梨便直錢
遠道故人成久別每因景物思綿綿

客路風霜厭遠行
芰荷猶映舊袍青
東山雲沓家千里
南國秋深雁一聲
玉筍班頭紅日近
金華洞口白雲扃
求仙何似求名切
幾誤還丹煉未成

送盧經歷歸北

汝南不識有宗資
幕府惟聞贊畫奇
化筆幾驚霜共肅
歸舟祇許月相隨
松花風老金華洞
桐樹烟青婺女祠
曾是舊時遊適地
郡人終古結遺思

金華通天洞

石扉高映碧芙蓉
二室連翩逼翠虛
字裏蒼苔猶自活

卷四

鹿皮子集

十三

退補齋藏板

茶邊寒水易成枯
吳中太白爭華一作榮
地林下青獮化

石餘三洞周回五百里
金堂石室盡仙都

永日觀

幾番落葉樹陰殘
說與山人更不看
春日花連小東白
暮年草創大還丹
月車長遶吳天角
石影生從太極前
只把蟠桃分歲月
一花一實一流年

拙齋

無心奔競已才疎
投筆拋書學佃漁
石鼎有時然綠楚
水扉幾度種丹魚
夏禽反舌餘聲盡
薛荔連牆片影無

我亦年來聲跡斷莫題書札問潛夫

心遠巷

著屐登山援葛藟聽猿待月夜眠遲書成袖裏燕銜去
月死枝頭猿不知寄遠豈無萱草帶勒銘自寫茯苓芝
何須更覓桃源路朝市山林處處宜

石廬

風磴盤空冷逼人村居穴處古遺民沙飛滿地猶如燕
草綠知天不愛春河漢帶星臨石上廣寒無月閉花身
只愁急雨隨風度結屋半閒留白雲

雪觀

綠楚丹萸處處迷東風吹下萬珥琪月無寸影夜如曙
地有六花春不知玉樹曾聞後庭曲天葩別有寄生枝
瓊樓銀闕知何恨約客瑤池未可期

三泉

泉眼離離傍石稜奔流脈脈到軒楹詩成石面花無數
夢冷池頭草不生江夏茶經有遺譜南嶺水樂變新聲
林居漸覺機心斷渴鹿逢人自不驚

瀑布

卷四

鹿皮子集

十四

退補齋
藏板

怪雨蠻烟入座寒居然烟雨隔晴天化爲河海冰三丈
剪下松江水半邊蜀客槎星向天上翰林詩句落風前
自從擊碎潭心月直至于今不肯圓

石礙樓

冷雲堆裏散人家壘嶂回峰往往遮觸石纔通西澗水
借春只有北枝花月臨古徑松陰鬪風引前朝樹勢斜
誰信湖中天地闊庭除帷幕浩無涯

少微巖

石醜松寒槲葉一作夏籜乾振衣又在碧霞邊南州處士星

卷四

鹿皮子集

五

退補齋藏板

猶近今歲中秋月未圓十五日望十六日題雲葉長黏巖上石兩
花不滿漏中天麝香眠處休驚起綠桂初紅果欲然

西巖紫霞洞

萬壑煙霞護隱居西巖洞下是華胥殘紅墮地五銖重
漲綠過樓一丈餘瑤草碧花牛氏石錦囊玉軸米家書
東州歲賦三千粟我亦依巖學佃漁

山堂

石甌寒來雪易凝札峰良夜月盈盈人離雪外只方丈
月比城頭低一程息石有稜依砌活茯苓無種入庭生

白雲寒處人蹤絕不是山光說性情

贈蕭浣平寇

人物江南第一流將才儒術兩無儔英雄門列三千士
勳業家傳萬戶侯金虎佩章光奪月玉龍出匣氣橫秋
奸回向化煙塵息坐擁笙歌醉玉樓

次韻黃晉卿見寄之什

幾載三林草木黃故人霄漢獨難忘宮衣雨露猶沾溼
文律江湖共短長筆蹟舊時傾褚薛才名此日數鼂張
他年明月中山寺重與詩人話夜涼

卷四

鹿皮子集

六

退補齋
藏板

殿前對策士如璫我對山人說坐忘歲晚單衣祇自短
愁來白髮有時長山中蠟屐晴猶著石上朱弦雨更張
有客江邊期不到只今秋日轉淒涼

序

詩以言志者也志趣不高其詩必
墮凡近詩又本性情者也性情不冲
澹蕭散其詩必多矜氣少坦懷故
觀其志之所存與其性情之所發而
其詩可知即其人之品亦因以定吾

青村遺稿敘

退補齋
藏板

郡金德原先生生值元季師友皆
極一時之選甚有時譽矣而少無宦

情遁跡邛園雖見知於冀學士柳待
制交相推薦皆辭不就逮入明初復
堅拒州郡辟命教授鄉里以終余高
先生之為人求其遺集頻年不獲今

季七月得孫琴西方伯遜學齋所藏
抄本忻喜無量伏而讀之其詩模範
山水陶冶性靈亭、物表矯、霞外
非夫志趣超曠性情閒適有得於中
無營於外者烏能詣此四庫書目
稱其品格在江湖詩以上亮哉爰亟

青村遺稿敬

二

退補齋
藏板

繡梓以永其傳遜學齋本從其初姓
題曰劉涓撰今仍依書目著錄易劉
為金云光緒二年丙子冬十月郡後
學胡鳳丹月樵甫識於鄂垣之退補

齋

國氏
宋甲

三
口

青村遺稿序

青村翁生勝國之末當高皇帝龍飛江左其同學宋文憲王忠文輩皆以才望聯翩並進爲開國羽儀翁獨夷然不屑屢違徵辟高卧烟霞絕無貢禹彈冠之慕蓋所謂確乎不拔者非耶惜其著述散佚僅得遺詩什一於千百之餘氣清深而格醅正使讀之者挹其流芬猶足廉貪夫立懦志信真儒之作不徒矜聲律於風雲月露間也嗟乎士君子立身貴特立耳意有所不可則雖加以邦有道貧且賤焉之恥而不顧彼奔走富貴借口於

青村遺稿序

退補齋藏板

聖人之一說以自便其私者甯不類有餘泚哉是集行則天下咸識先民矩度于今日營競場中下一帖清涼飲子不獨有功於翁抑可謂有功於名教矣堡幸託族屬仰止高風奉以周旋庶幾不敢爲苟且功名之事所賴裨益良多而吾宗羣從學有淵源無貽失墜以光大先人德業者尤願交相勗焉若徒借以資筆墨供吟嘯而已則失之遠矣崇禎癸未九秋賜進士出身前知臨清州事武陵族子堡頓首謹敘

青村先生小傳

浦江鄭 栢

金涓字德原義烏人受經於許謙學文於黃潛淹貫經傳卓識過人隱居青村學者稱為青村先生州郡薦辟輒懇辭謝曰犧尊青黃豈木所願耶吾髮已種種焉能驅馳簪組之間哉日游詠乎山水以終其身贊曰栢觀宋太史記青村隱居稱涓為安貞肥遯之士考其德而求其行信足有徵焉

右見金華賢達傳

青村先生小傳

退補齋藏板

青林先生小傳

青林先生小傳

祭青村先生文

嗚呼先生生於皇明盛世家道昌隆既富且庶當其伯仲一掌於金穀唯先生向學乃專心而致志歲寒亭上立雪已深白雲軒外春風和氣斯時同門者百數十人獨先生稱爲入室高弟先生自少有志於濟貧恤孤遠邇饑寒賴先生而活者不可數計先生之配雙失其明眾勸再聘而先生酷以前定而心不少二此皆先生大異於世人而世人莫能窺先生之涯際先生自爲童子時出語長老悉已驚悸既長學乎六經其文章簡古而純粹毅然不仕隱於青村以避名勢借使用之於朝廷必作爲雅頌歌咏皇明之功義薦之清廟必上追商周魯頌之隆洽奈何終不出而立後學之標幟先生之子若孫亦嘗爲顯官而先生弗克享其祿而傾逝可宗蚤歲亦執經而造講席賴先生口授聖賢之遺意今者宦轍四方職乃充於卑位先生沒甘有餘載未嘗不感時懷思而汪然殞涕尙饗門人王可宗

青村遺稿後序

金別駕儒元先生忘其年而交於予於茲餘二十年矣嘗謂予曰吾與子通家之好也吾先世青村先生從子先世文獻公遊最久惜乎其爲詩文多散落吾於先世舊隱處及舊交遊家搜訪僅得一二言之若戚然有遺憾焉者因出示予予讀之見其俊拔而清和淵深而嚴愼宛然先世家法也相與慨嘆久之後數年爲正德辛巳予應貢上京恭遇今上皇帝入繼大統萬幾暇廷賜試事竣分南北人入監予轉而別駕公之子孔殷已

青村遺稿後序

四

退補齋藏板

在監半載矣出入與之俱及撥厯冬官部事又同焉相與甚洽予亦不知吾年之長於孔殷也一旦謂予曰吾先世所遺詩文若干篇首恨不多將梓之以壽其傳可乎予曰可奚有於是譬之玉焉所積嘗累積矣歲久淪逸存者不一二得之亦足爲寶況可因此以知其他玉之皆良奚有於是孔殷於是繕寫成帙請予文以序子先世薨時襄後事哀集遺文爲之請於官以建祠宇而紀之青村先生輒與焉則其生事吾先世可知矣此予所願欲酬焉而未能者也今其後世以文來請予惡忍

辭予惟斯稿之散之藏之晦百數十年後卒有賴於別
駕父子而聚而傳而顯是固有時而別駕父子之賢亦
不可掩矣使別駕父子之後代有別駕父子者出則斯
稿之傳甯有窮乎抑予於斯有感焉予與別駕父子之
先世爲師生而予又與別駕父子爲今日之交予之後
亦有能於斯帙之後綴一辭以不忘其所謂通家之好
者耶
嘉靖三年七月同里黃端寓留都序

青村遺稿後序

五

退補齋
藏板

青村遺稿跋

青村先生遺稿一卷序一首詩若干首宗明獲讀於南曹胡子秀夫家見其寄興高遠衛道真切言若不經意而實有關於彝倫風化心竊愛之惜去世既遠後人傳閱者又皆手相謄錄多所訛謬況又有不存而傳者哉雖然先生所立之大則固不以文辭存不存爲加損也先生生於國家代元之際隱居終身不受州府徵辟太史宋公與之同學嘗稱其爲己功深不事表襮惟濂知之之語則先生所以自得而不願乎外者又非後學所

青村遺稿跋

六

退補齋藏板

易窺也先生學於許文懿公文懿得於文安金公文安得於文憲王公文憲得於文定何公文定則親承文公高弟黃文肅公之傳而爲金華朱學世嫡云警欬僅存慨仰之餘因與胡子正其訛謬凡若干字歸諸先生幾代孫太學生江以梓傳焉嘉靖三年仲秋中泮後學四明黃宗明書

青村遺稿書後

昔李翱云先祖有美而不知不明也知而不傳不仁也江縞爲此懼江惟先世青村府君從白雲許先生遊稱爲入室高弟議者以爲承王何金許四子之傳上續勉齋黃氏爲朱學世嫡旣而及文獻黃公門見而奇之嘗曰子益友也若吳立夫宋景濂王子充朱伯清傅國章輩爲之友恆雅敬之當胡元時虞公集柳公貫交章薦之迨及我朝州郡屢辟輒懇辭隱居青村教授著述自娛以終其身所著有文集四十卷有湖西集有青村集

青村遺稿書後

七

退補齋藏板

總凡若干卷惜屢經兵燹之餘散逸莫存家君於青村舊隱處搜獲詩數十首及楊氏陳氏譜所錄克全叔祖口授者共得詩五十五首檢舊券中得文一首類編成帙字甚訛謬南曹秋官正郎王誠甫副郎胡秀夫相與正其訛謬凡若干字兼惠文以備紀其顛末噫百餘年來人徒知重府君之名而不及其所作幸而遺稿僅存俾不壽諸梓以永其傳則後世無間將并其文而泯矣不明不仁之罪其將焉逃遂書刻於南雍號舍及歸又承儒儀叔孔安兄來詩九十七首以續於後第恨第數

小不成卷帙或曰奚有於是如璞玉既毀拾其屑者猶
可以爲世寶而況所以集先生如是幸得攷見緒餘固
亦足以槩知先生所得之深矣江不敏非知詩文者也
知寶先祖之遺而已矣先正宋潛谿有曰先生爲己功
深不自表襮唯濂知之爲獨至又曰先生氣雄而言腴
發爲文章尤雅健有奇氣不但長於詩而已夫觀宋公
所與則所以昭先府君者予之不敢溢美也可知矣昔
嘉靖四年夏六月十六日昂孫江謹誌於後

青村遺稿書後

八

退補齋
藏林

青村遺稿

元金 涓撰 郡後學胡鳳丹月樵校梓

序

送楊仲章歸東陽詩卷序

楊君仲章以清峻修敏之質好學不倦窮討六籍雖晚
登先師黃文獻公之門而強記卓識邁倫逸等一時學
者咸推先登宋君景濂每稱之曰能而先師亦自謂不
意晚年復得此友如涓者愚弗能矜頑弗能訂安敢望
其末光也哉重自念四方士人登先師之門者無有不

青村遺稿

退補齋
藏板

立名成業涓自幼年侍側時則有陳君時甫吳君立夫
李君仲倫朱君元達朝夕講論文字辨析義理涓未始
或能識知也既而時甫居東陽以明經授徒常數十百
人弟子不遠百里而至其高第弟子則有張君良金爲
江浙鄉舉易魁凡爲舉子之業者無不宗焉立夫以庚
申歲中鄉試榜仲倫以茂才異等用大臣薦爲校官惟
元達豪俠不羈邈視進取以學問文章同遊浙西者三
十餘年雖虞柳諸公薦書交上亦睥睨弗顧也後數年
先師提舉江浙儒學時則有劉君子實哲君子正應君

之邵陳君子中肄業西湖書院劉哲二君皆登上第應
則兩中鄉舉榜陳回河南授試主司見其文反疑其爲
南人代筆之作由是失利而返則抑鬱不得志卒於錢
塘先師銘其墓焉迨夫先師告老致事而歸則有宋君
景濂許君存仁王君子充以英敏絕人之學一時咸集
文名德業超出前輩今則皆居要路密邇清光所謂立
名成業眞足以承前引後嗚呼盛哉夫何朱君伯清傳
君國章與吾仲章氏皆以妙年傑學才器局幹以出入
乎諸公之間逐逐焉不以印組爲務忒忒焉不以文章

青村遺稿

二一

退補齋
藏板

自高晦光隱德逸志抗雲迥出人表比辟書及門伯清
以居制不出國章以母老懇辭仲章則先事適機以自
潛時知縣胡公子實方興學校以尊民奉幣致請仲章
爲弟子師迎焉以備其敬館焉以具其禮無幾何致辭
而歸咸贈之以詩去則隱于東陽南溪之濱閉門絕客
束書問農文不畱稿詩不贈人與涓不相聞問者寥寥
四五載矣今其季仲齊授徒法興精舍涓適見此卷慨
後生之可畏嗟良覲之難逢痛念先師之不可復作矣
因撫卷興思先師以晚年得此友爲喜而涓亦以晚年

得友斯人爲奇則先師道業之傳宗而主之者有其人
予復何憂遂并敘此意于卷端以寓夫久要不忘之意
云仲章見之其必有以知我屬望之深意也

詩

七言古風

和吳正傳五臺懷古韻

姑蘇臺

闔閭城畔姑蘇臺百花洲上千花開笙歌半空曉未絕
一聲落月啼烏來蛾眉顰翠愁如簇空捧春嬌在心曲

青村遺稿

三

退補齋
藏板

滄江羅網縱鯨鯢碧瓦坵墟走麋鹿悽烟慘日潮生處
怨滿鴟夷猶不悟甬東東海不可棲劍光夜冷吳山路

章華臺

楚臺雲棟連天宇伯氣憑陵權九土方會諸侯求鼎時
天下無周而有楚一朝吳蔡兵合謀孤舟江路誰從遊
宮花曉露細腰泣空山落日餓鬼愁春風過眼秋蕭瑟
餽人一飯那能得道傍塊土棲草烟夜寒夢落空臺前

朝陽臺

楚王昔日遊臺上前望巫峰近相向青楓錦石鼓古祠

暮雨朝雲依疊嶂蔓花古木多春寒翠幃仙佩非人間
神功治水佐禹跡至今石刻巍如山詞臣錯寫高唐賦
剛道朝雲夢中遇千尺黃湍洗不清水聲猶望臺前怒

黃金臺

昭王有志興宗社厚幣卑辭禮賢者郭君一語捐千金
國士爭趨駢駟馬燕臺計議皆英豪齊人蹴踏猶兒曹
三軍旗幟白日動半空劍氣青雲高樂生既去士亦少
回首春風長芳草火牛遂復七十城恨滿臺荒天地老

戲馬臺

青村遺稿

四

退補齋
藏板

將軍逐馬關中來神威掠地風雲摧鴻門舞劍成敵國
彭城衣錦空登臺馳下漢軍何披靡垓下楚歌相應起
山河百二幾諸侯子弟八千無一騎古來天下誰英雄
荒臺老樹悲秋風符命合歸赤帝子項伯不忠范增死

五言律詩

和楊仲齊韻

光明清絕地物色藉詩描野鼠拱虛穴山蜂歸早朝閑
庭翻芍藥枯木引陵苕鼻觀香風入移時獨未消

雲嶠無榮辱林泉得浸淫瀑飛晴雨散風奏曉龍吟大
葉長莖蒜枯枝老樹林吾行忽過此殊喜得幽尋

其三

渴飲空中露饑食石上霞夜茶烹玉液春酒釀松花自
謂得仙術不知老歲華請看梳櫛處斑白照窗紗

其四

溪行欲假履雲坐不須冠樹密一天小樓高六月寒袈
袈憎客至魍魎喜人看惟有松無意風來卽奏彈

自述

青村遺稿

五

退補齋
藏板

疆場正多故山林成久留據鞍皆戰馬扣角且歌牛清
德交遊冷光明詩思浮從今脫塵濁自可鄙公侯

春興

菜甲時堪摘柴荆晝不開鑿渠通水活度地覓花栽旅
食憑儒術春愁仗酒盃卻憎塵世薄徒爾暫徘徊

其二

落落相如志悠悠王粲悲乾坤猶甲冑耕鑿且年時伐
木開新逕引泉添小池箇中非所適排悶且裁詩

其三

草閣成遷次春來景物新
杖藜時野外把釣卽溪濱
夜雨桑麻足東風草木勻
關河阻南北何處問通津

秋夜

四望秋無際凭闌夜未央
星榆晴舞葉月桂冷飛香
人澹琴心苦林幽鶴夢長
此情當此夕誰肯賞淒涼

山莊

青村溪盡處林密隱孤莊
石老莓苔路門荒薜荔墻
人行秋葉滑鶴立晚松涼
治畝農歸後蓑衣挂夕陽

江村

青村遺稿

六

退補齋藏板

寂寂江村路輕烟晚自生
遠峰晴見色獨樹煖無聲
渚鷺行看水溪魚賣入城
孤舟人不渡兩岸夕陽明

錢塘行在

鳳舞龍飛處寒烟半野蒿
地卑東海近天遠北辰高
來往春秋燕盈虛日夜潮
老僧年八十對客話前朝

伍員廟

東出昭關日倉皇去路遙
漁人憐贈劍市吏識吹簫
楚郢鞭荒墓吳江起怒潮
因思臣子節千古一魂消

舟次漁浦

雙溪東入浙終日坐危舟流水遠明目小篷低壓頭烟
村鴉入暮江國鴈賓秋一片淒涼景安排獨客愁

浙江曉渡

片帆風力飽涼氣碧颼颼江闊欲沈鴈天空惟見秋漁
歌聞四起人影在中流隔望秦峯出東南第一州

舟次嚴灘

八月桐江曲青蘋未著花亂雲低壓樹細水淺流沙到
郭無多路依山有幾家故人成遠別相望各天涯

雨後書懷

青村遺稿

七

退補齋
藏板

畏俗久不出其如此意何鬢毛詩白盡山色雨青多曲
偃行蛇草圓生浴烏波與誰專一壑同和採芝歌

康湖山居

康湖環十里半世樂吟身白屋居寒士青山是故人松
多天不暑濕近地無塵頗得漁樵趣生涯日又新

送人回剡

華川遊未遍又作剡中游詩海珊瑚月書田苜蓿秋行
山時借屐訪雪夜乘舟別後懷人處清風獨倚樓

別徐處士歸嚴州

浙水連天白輕帆帶雨飛榻懸高士去釣在故人歸秋
盡鴈初過江空魚正肥君如招伴隱我正欲相依

別友人歸衢

爛柯山下路猿鳥待多時今伴少微隱何愁太史知葛
陂龍化早遼海鶴歸遲爲問山中叟如今幾局棋

送友曉發赴北

荒雞三唱後河漢正西流太白孤星曉中華大野秋樹
低江郭遠風急草烟收此去金臺上觀光樂勝遊

客中與里人言別

青村遺稿

八

退補齋
藏板

同是婺中人情親若弟兄客邊今識面詩上已聞名驛
柳分春遠山花照晚明相逢卽相別流水幾多情

旅懷

江湖爲客久歸計與誰論春色草無路雨聲人閉門薄
衣知酒煖病眼覺燈昏蜀水家邊景連宵役夢魂

江樓有見

睡起無忙事寒多不下樓櫓聲和鴈去江影照人愁山
碧人初曉林紅葉正秋琴書無恙否我欲問歸舟

山園卽事

暖日麗亭臺山屏四面開與誰行樂去有客伴吟來鳳
舞摩娑竹龍蟠屹岫梅春風似相識終日共徘徊

自述

索居三十載一硯鍊穿磨學淺非時用人生奈老何竹
房來暝早花塢聚春多靜坐無餘事門前水自波

次楊仲齊韻

端坐無時事春秋讀聖經逐風驚退鷓隕石看飛星自
謂心將憤何期眼倍青獲麟應絕筆三歎動虛靈

其二

青村遺稿

九

退補齋
藏板

空谷開雲葉清池曳水衣堦苔掃不盡山果摘還稀長
嘯妨僧定徐行看月輝獼猴庭下過擾亂靜中機

其三

書巢何所有香縷散紛紜明月將梅到虛樓看夜分僧
歸驚卧犬錫落破層雲語及外間事令人不敢聞

村居

荒草無行路人家隔小溪雨多嵐氣重石少水聲低病
鶴依松立寒雞傍砌啼近來渾懶動靜處欲幽栖

對客

對客談清話相忘酒一壺吟腸傾太白醉額岸輕烏午
釘新壘韭秋厨活膾鱸明朝重有約一笑過康湖

亂中自述

汨汨兵猶競淒淒興莫賒嬌兒將學語稚子慣烹茶亂
後添新鬼春歸發舊花十年湖海志羈思滿天涯

其二

幽居隣水竹避地獨柴門白日琴書淨春風燕雀喧看
山憑矮屐適興任芳樽天地軍麾滿詩成自朗吟

其三

青村遺稿

十

退補齋
藏板

園林春已半茅屋日初長水動魚兒出花飛燕子忙看
雲閑坐石把酒溼征裳落落當年恨高歌竟欲狂

其四

春夢猶爲客題詩發興清風帘茅店酒晴日柳橋鶯親
老頻歸覲時危未息兵況來招隱計擬問鹿門行

蜀墅頭

溪頭自舒散天澹夕陽微拂石松邊坐看雲水上飛舊
磯雙鷺下小棹一漁歸不覺吟成八首痕溼上衣

雲門道中

三月山南路村村叫杜鵑白雲千嶂曉斜月一溪烟水
冷長松井春香小齋田何時移別業奈往繡湖邊

秋夜有感

苦吟人不寐中夜起幽屏明月霜初下西風葉正稀家
貧豚有子天冷客無衣感事忽如夢孤螢入我幃

暮秋懷歸

西風三徑菊秋晚正花開家遠書難寄天寒鴈未來青
山如舊識白眼妬奇才遙憶浯溪路年年長綠苔

七言律詩

青村遺稿

十一

退補齋
藏板

用仲敬先生折桂韻

金印懸腰不用黃丹溪垂釣亦何傷舟移鷺點青山破
笛弄梅飄白雪香月裏版圖窺窄窄望中鴻鵠去茫茫
蕭曹不是逢隆準未必姓名千載芳

夜宿青陂

爲愛青陂甚蕭酒二三杖屨樂徘徊道人權雪今何在
野老牽衣不放回別塢犬聲風送至誰家梅影月偷來
卜隣若許成茅屋日種芝蘭千百栽

用前韻復春谷道人

春谷無塵宜笑傲蜀山有路可徘徊蛟龍得雨猶翻卧
鵬鷲橫秋又早回放艇幾同漁父去看某時許野樵來
洞前更約東風轉仙李碧桃隨意栽

用楊仲章兵字廬字韻

林森劍戟立天兵不礙琴書嘉遜情李愿釣鮮情自逸
謝安補屐興何清岩房罷磬銷香篆石壁題詩紀姓名
我欲相從無羽翼秋風雞黍約佳盟

其二

不向人間結草廬任他城市務羸餘飽食薇蕨泉中水

青村遺稿

十一

退補齋
藏板

過眼牙籤架上書嵐氣著牕雲影過鐘聲入夢曙光初
高居自與禪機會何害門稀長者車

山行

望望峯巒紫翠凝杖藜補屐謾登登樵歌谷靜聲相答
雨霽林香氣欲蒸行樂可無詩似錦從容那用酒如漚
何當擺脫塵中慮許我移家共作朋

寄許存仁存禮

金華有客負材豐搜抉神奇奪化工愛酒何殊陶栗里
隱居真似陸龜蒙欲知晴日鶯花處盡入新詩品藻中

江漢夕烽然未息莫將心事較窮通

其二

年來無事學休糧蜀墅溪頭有草堂幾度瞻雲思棗蓼
清宵看月坐藤床侵晨處士烟霞疾慙愧才人錦繡腸
樗散聲名甘寂寞從教詩句只尋常

寄友人宋邦彥

故人別後見尤難彼此詩盟尙未寒寧暇對床論契闊
謾勞折簡報平安春山裂竹愁如海流水落花紅滿灘
九十春光都過了諸君何以罄交懽

青村遺稿

三

退補齋
藏板

寄胡希顏

伐木有詩誰善賦嚶嚶喚起遠相求白沙翠竹一村曉
錦樹黃花滿野秋雪夜艱難呼檜楫晴風容易下書樓
獨憐浩浩多真樂不似棲棲蘊積憂

重遊光明寺

梵王宮闕倚崔嵬積翠繽紛圖畫開啼鳥避人穿樹去
老僧迎客下山來裁書石逕書青竹散髮雲林卧綠苔
自識箇中幽興熟杖藜何惜重徘徊

送李子威之金陵

金陵自古帝王州策馬飄然作勝遊一代衣冠新禮樂
六朝文物昔風流此時送別詩盈軸何處相思月滿樓
若見潛溪宋夫子勿云江漢有扁舟

秋興

搖落頻驚節序催亂離懷復向誰開江山滾滾紅塵暗
霜露淒淒白鴈來雄劍醉提時慷慨矮衣屢舞起徘徊
近聞幕府徵豪傑當代誰爲濟世才

題楊伯容竹居

最愛君家竹居好秋花錦石相新鮮窗前讀易無俗子

青村遺稿

十四

退補齋藏板

林下置酒多才賢寶鴨書焚香滿室鍊笛夜吹聲在天
安得卜隣近左右與君日日談詩篇

送楊仲齊之武川訓導

聞道琴書行有日臨岐送別意何如蒲萄酒美盃初泛
楊柳條新葉未舒春入杏壇朝鼓瑟雨餘芹泮水生魚
定知別後遙相憶毋惜頻頻遠寄書

春暮客中述懷

幽窗寂寂問音疎半落干戈且讀書芳草玉孫歸未得
青春客子意何如花殘樹底圍收果水落溪頭人買魚

爲問紛紛當路者飛騰還肯顧蟾蜍

會胡原道馮原輔溪飲

溪流一曲石爲城中有迴瀾分外清金盞縈紆天上泛
玉盤宛轉鏡中行日高松影侵衣碎風綻楊花落帽輕
我輩固知文字飲鳳笙龍管向誰鳴

野步有感寄城中黃上舍

新晴野步踏青暉萬綠枝頭可染衣流水小橋通野澗
斜風飛絮點苔磯春歸別駕憑誰管儒負虛名與願違
惆悵年華更迭易達人何事不知機

青村遺稿

五

退補齋
藏板

喜雨寄楊伯容

江城曉夜雨浪浪併作芳齋六月涼倚杖出門田父樂
題詩乎酒野人狂不愁戰地多兵甲遂喜豐年足稻梁
問訊草玄亭上客竹林疎簟夢秋光

秋暮會楊仲章

短褐淒涼淹別館故人一見話綢繆溪頭水落魚龍夜
塞北雲深鼓角秋爛醉豈知猶是酒相逢誰爲不封侯
江湖明日重分手滿眼西風獨倚樓

贈術士呂公

短褐垂綸已十載柴扉筆竇卽湖邊年來出處常存道
身外功名懶問天造次可無詩人聖相逢還有酒爲賢
虎頭燕頰君休論好向山陰買釣船

自嘆

雀聲催我過湖西日暮歸來看藥畦耄老不思安樂土
問人何處託幽棲白雲出岫心何在仙鶴離巢樹欠低
攜取琴書便歸去奚須更待杜鵑啼

贈陳仲玉本學教諭致仕

聽雨芹池三十年如何一旦捲青氊陡令猿鶴生秋怨

青村遺稿

去

退補齋
藏板

高枕琴書且晝眠詩爲懶題閑木筆飯因不足羨苔錢
石田茆屋華川曲從此挑燈繡佛前

清德晚歸

酒留詩戀意遲遲回到中途已落暉小蹇引秋行落葉
老漁隈冷坐危磯山間明月隨人出松外閑雲伴鶴歸
試問夜深何處宿欲從山下扣禪扉

方學士招飲不赴

我在林間鹿與羣君爲天上玉麒麟莫將綵樹燈前酒
來醉梅花月下人白屋不生三閣夢青山那識五陵春

行吟每到看松處自有漁樵作主賓

小齋

世道非時懶屈人小齋容膝且安貧
河圖不出空歌鳳魯史將終遇獲麟
雲掩松窗低結暝水行花徑曲流春
近來頗得幽閒趣幾夜青山入夢頻

秋江話別

別酒相傾別淚流江流亦不爲君畱
片帆今夜人何處明月滿天誰共樓
一鴈叫霜紅入葉十年爲客白侵頭
莫嫌歸計多蕭索三徑西風菊正秋

青村遺稿

七

退補齋藏板

送楊學諭還浦江

萍迹相逢又一年小樓情味共淒然
半窗燈影看書坐四壁秋聲聽雨眠
浦泖暮雲迷去鴈樵溪春水憶歸船
重遊莫負華川約須趁梅花早著鞭

贈王隱君叔誠

投老江湖作隱君鳳來龍去絕無聞
孤山梅近閒吟月九里松深穩卧雲
書屋幾番畱鶴守釣磯一半與鷗分
攜文染藻風流處可似蘭亭王右軍

送張學諭歸三衢

穩泛靈槎訪斗牛未容歸伴赤松遊
蓴鱸此去無千里
雞黍相期在幾秋
澗水月寒梅入夢
繡湖烟澹柳分愁
春風莫問田園計
須趁功名在黑頭

金華史學錄回永嘉鴈蕩

青衫洗盡泮宮塵
三載琴書又問津
海闊正憐鴻去遠
山深須遣鴈來頻
沈郎風月詩俱瘦
謝老池塘草自春
莫笑廣文官獨冷
長安一日看花人

寄王照磨季晷

底事鄉心憶鏡湖
一朝歸去伴樵漁
傳家尙喜貧存硯
教子尤勤老著書
靜裏有時觀水坐
閑來何處買山居
門墻桃李應如舊
添得春風柳五株

贈星命周雲峯

元是濂溪別一峯
蒼寒高卓五雲中
中藏月窟無人到
試躡天根有路通
絕頂陰晴分上下
半空星斗繞西東
我來欲問玄玄理
吹起扶搖九萬風

送金華應學錄回天台

華髮青衫寂寞官
泮芹香暖客氈寒
仙源久憶胡麻飯
書館羞餐苜蓿盤
洞裏碧桃春自醉
樓前明月夜誰看

好風若有西來便願寫相思寄彩鸞

送東陽杜僉憲之河南

號尺五翁

玉堂學士草堂仙濟世英才問世賢憂國正操言事筆
移官又買載書船風搏渤海三千水雲擁蓬萊尺五天
更到鳳池春好處紫薇香煖御爐烟

悼開元洞天沈羽士

隔世仙靈不可招柳烟愁鎖赤闌橋蒼蛟有血遺金劍
丹鳳無音卧玉簫洞冷石墻雲氣溼樹枯雷剝火文焦
舊時風月今何在空見芳園長藥苗

青村遺稿

九

退補齋藏板

三訪僧潛谷不遇有詩謝予就韻以答

槁木心形大雅姿我求相見語襟期三生石上尋盟久
一片雲間識面遲梅下有童空放鶴屋邊無竹可畱詩
因知雪夜人同棹豈是無心顧少微

送僧歸天竺

錫影孤飛下十峯定知分住翠芙蓉巖雲曉伏參禪虎
溪雨晴收入鉢龍香洗供花吟對月清浮談塵坐依松
我來欲遂林泉約金碧樓臺第幾重

送楊志仁之浙西僉憲

玉骨秋神鍊石心風流如此世無羣
乾坤千古有清氣
河嶽一時生白雲蚌腹月明珠
迸彩鳳毛春煖錦成文
此行別有調羹信湖上梅花爲報君

雪霽偶作

無事身閑睡起遲
開門天霽已多時
村醪待熟未紅火
野客忍寒先白詩
冰照梅花微有影
雪摧松樹半無枝
笑呼稚子隣家問
昨夜魚歸未賣誰

自述

獨倚層樓眼界寬
天風吹溼到闌干
驚人好句愁中得

青村遺稿

二十

退補齋
藏板

濟世方書病後看
庭樹雪崩時一響
瓶花凍合夜多寒
江南景物今凋弊
誰想蒼生望治安

分韻得春字

分得新題賦未成
暖風香散玉爐塵
樓臺無月不宜夜
天地有梅先得春
世路近年難獨客
好山隨處著閑人
何如寄傲南窗下
學戴淵明漉酒巾

夜泊蘭江

江山歷朗雪初融
坐見宵分落碧空
世景固知光霽少
人生多在別離中
影隨月下成三友
春到梅邊第一風

此夕此情聊復醉馬蹄明日又西東

秋日山中

不記秋風幾日晴偶來林下見雲生野梧半脫無多影
山雉驚飛忽一聲短錫引船僧渡水小輿聯擔客歸城
溪頭聽得漁翁說近日前村酒價平

秋日客中

久客歸來靜閉門秋風落葉自紛紛夜來一燠作成雨
早起滿溪流出雲山色祇宜閑裏看鴈聲那可客邊聞
黃花開遍歸無計吟老秋光又幾分

富陽舟中

終日推篷對酒盃漁郎隔浦棹歌同路傍古屋無人住
山下疎梅獨自開幾處汀洲分鴈下滿江風雨送潮來
白頭篙叟休相促明日天晴上釣臺

城中歸志喜

城郭多時得一歸小園幽館雅相宜種荷池暝便鷗睡
儲粟瓶空慮鶴饑兩屐苔痕人立處一軒秋影月來時
靜中自得其中理此意無人會得知

曉發金華

一帶寒林古木齊濛濛山色亂雲迷沿村問酒難尋店
隔岸呼舟欲渡溪夜雨草深蛙鼓鬧曉風花落子規啼
可憐客路多岑寂何處垂楊駐馬蹄

村舍

幾村桑柘遠相連村北村南小渡船茅屋有緣臨水住
閑身無事看山眠孤林欲暮鴉爭樹一雨及時人種田
昨夜隣翁喜相報今年依舊是豐年

山莊值歲暮

坐久那能笑口開象煙燒盡石爐灰山厨度臆貧無肉

青村遺稿

三

退補齋藏板

茅屋逢春富有梅凍鳥縮身依雪立饑驢直耳望人來
牕前更展離騷讀消得茶甌當酒盃

客中寄丁景行

半生書劍惜分陰誰想飄零素髮侵朋社有盟鷗聚散
客鄉無信鴈浮沈潮回斷岸沙痕淺月落幽池樹影深
歸計未成愁入夢一燈空伴壁間琴

春日過繡湖

湖上晴光麗物華行行幽興浩無涯林頭新店去沽酒
門外小盆來賣花天氣可非三令節春風多在五侯家

茅菴兀坐無餘事靜看遊蜂報午衙

喜林達民至

相交十載不相疎只數能詩一老逋曲徑不緣花落掃
清尊端爲客來沽剪將春韭露華溼吟到寒梅月影孤
對飲不妨拚爛熳務求鄉誼重如初

林下答王仲實韻

林下黃茅屋數椽門前流水一漁船酒懷近日頻中聖
詩骨何時可換仙生計喜添供鶴料閑身幸結住山緣
客來不話功名事且誦莊生第一篇

青村遺稿

三

退補齋
藏板

西湖偶作

見說西湖多勝事六橋景物似當年風前楊柳株株活
雪後梅花樹樹鮮隔岸飛帘人賣酒臨堤撾鼓客遊船
幾時遂我窮行樂載道煙塵祇自憐

泊釣臺

釣臺聳插大江頭臺下悠悠水自流交友端居尊黼服
先生高尚只羊裘空山落日哀猿嘯斷岫西風古木稠
極目登樓頻悵望白雲飛盡碧天秋

客中風雨述懷

溪南連日雨昏昏客況難禁不出門山岳陰風靈氣伏
江湖秋水怒濤奔乘槎久待無邊使憂國徒懷奉至尊
自起高歌看寶劍大哉吾道許誰論

其二

謀生自嘆一何愚彈鋏高歌志強舒江海故人楊得意
風塵多病馬相如買山何處堪歸隱爲客經年廢讀書
溪上嬾晴新雨後且須沽酒慰躊躇

望天台

日光紅處是天台萬壑千峯紫翠開滄海波濤時洶湧
瓊樓石室自崔嵬丹邱霞湮憑誰遣綠水胡麻安再來
東望長歌搔短髮秋風滿抱一登臺

病後自吟

地僻柴門少客過寂寥生計奈愁何秋來得雨涼偏早
病起緣詩瘦更多鶴立露枝黃墮葉鷗飛煙渚翠翻荷
幾回夢入江湖棹笑看雲山卧綠蓑

秋興

柴扉草閣小溪頭生理蕭然只釣舟鼉吼江湖千里浪
雞鳴風雨五更秋漢家事業蕭何盛衛幕才名葛亮優

青村遺稿

五

退補齋
藏板

極目天涯心緒亂婆娑窗下看魚鈞

其二

栖栖矮褐閉柴扃颯颯西風起洞庭曉樹著霜千葉赤
秋蟲懸戶一絲青雲昏塞北鴻書斷水落湖頭戰血腥
回首可憐文物異誰能提劍發新硎

遊佛堂

石田級級黍離離野外招提野趣宜山色萬重青有待
槿花一樹白無私得時豪傑誇身健老去飄零仰佛慈
課罷出郊時極目不堪人事苦吟詩

青村遺稿

三五

退補齋
藏板

春日

今年春日殊無賴不逐黃衫作伴遊學道十年心似醉
懷人一別歲如流殘山剩水塵凡隔瘴雨蠻烟日夜浮
戰伐卽今憐壯士功成誰擬覓封侯

繡湖重遊

繡湖八月景堪題士女扁舟尾尾齊白水青山圖畫裏
淡煙疎雨夕陽西芙蓉濯濯偏臨岸楊柳依依密護堤
滿眼浪濤終古事華川望斷意都迷

幽居自述

小橋流水護柴荆門外青山適性情太瘦卻應詩思惱
多愁莫放酒盃傾蕙蘭既植堪爲佩松菊猶存不用名
誰識箇中真樂趣偶來林下看雲生

七言絕句

山齋雪夜寄王叔野

月滿中天雪滿村一琴窗下自溫存溪頭應有人相訪
只恐扁舟不到門

舟中

短篷搖下雨長川山重寒雲樹重煙篷底筆床相對坐

青村遺稿

三

退補齋
藏板

有人看作米家船

秋夜

獨自歸來秋夜靜雨溼寒雲小窗暝竹爐無火渴思茶
隔樹人家有燈影

冬夜

獨坐夜深人讀易屋外雪明如月色松寒老鶴睡不成
飛下窗前伴人立

春晴

曉風吹暖破陰雲草色湖光轉綠痕試看海棠枝上月

定將花影到重門

寄王可宗

石鼎烹茶風繞林小亭面水足清吟只今酒禁嚴如許
誰信香醪更可斟

寄彥敬

高人歸隱久投簪日轉花陰睡正酣階下斑衣森玉立
詩來猶說愛宜男

遊赤松祠

枕石聽流夢未安碧雲蘿薛古祠寒夜深鸞鶴羣仙過

青村遺稿

七

退補齋藏板

人在青松月下看

其二

桃花流水出紅塵洞口仙凡隔幾隣劉阮若知人世換
春風那肯問歸津

其三

金華三洞洞中天今日來遊信有緣丹井水寒瑤草碧
白雲猶伴石羊眠

其四

琳宮玉宇鎖崔嵬絕頂松窗對月開昨夜仙翁騎鶴去

五雲深處採芝回

村園

半畝村園接水涯
誅茅新搆小書齋
窗前不用栽花柳
只對青山景自佳

春曉偶成

清晨睡起覺衣單
亭館東風怕倚闌
一夜好風吹作恨
梨花寂寞雨鳩寒

題可宗壁間墨梅

澤癯山嶺月明中
筆底精神擅化工
老幹疎花生意在

青村遺稿

天

退補齋藏板

紛紛開謝任東風

春愁

一春多爲惜春愁
無奈鶉聲叫不休
最是惡懷難著處
落花風雨五更頭

幽興

回首紅塵已息機
雲山應不負心期
晚來散步清溪上
策杖長歌覓紫芝

其二

幽居無事總忘形
草綠柴扉晝不扃
栢子香消清晝永

閒憑棐几寫黃庭

其三

芳草池塘夢惠連
臨風得句忽清圓
年來每愧天才短
袖裏應無筆似椽

其四

閉門不出動十日
雨後憑闌眼倍明
萬樹飛花將欲盡
一池春水漲浮萍

其五

束書屏迹住山中
白髮蒼顏見老翁
門外黃塵深似海

青村遺稿

无

退補齋藏板

一家桃李自春風

讀易

至理從來無古今
後人刪註轉迷沈
遺經獨抱加潛玩
始識羲文廣大心

南窗

南窗不受北風寒
筆硯供吟對景安
最喜手扳簷外竹
雪中尤勝作花看

題睡漁圖

拍岸驚濤喚不醒
輕鷗分夢下遙汀
綠蓑自擁蘆花月

應怪羊裘動客星

題耕雲圖

亂石吹雲出曉溪又隨流水到春畦無心夢作商霖去
自在山中足一犁

子猷乘興圖

月照梅花雪點春小舟危坐醉中身一時為愛溪山去
本是無心見故人

和靖索句圖

聳兩肩寒瘦不禁東風獨立久沈吟山童莫放催歸鶴

青村遺稿

三

退補齋藏板

正與梅花論苦心

美人圖

綵雲宮殿月闌干翠袖春風倚暮寒馬上琵琶愁未已
不須重展畫圖看

內人燒香圖

小院鈎簾拜月明暗將心語達微誠妾身不願承恩重
願保君王樂太平

趙昌海棠圖

銀燭燒殘夢未回舊家庭院已荒苔玉簫聲杳人何處

惟有東風燕子來

徐熙牡丹圖

翠幄籠霞護曉寒無人凝笑倚闌干玉環去後千年恨
留與東風作夢看

夏圭江天霽雪圖

小舟和雪載梅花水氣吹寒拂鬢華妙處人琴忘已久
不知乘興到誰家

真如出浴圖

玉殿春深錦隔屏海棠凝煖雨初晴可憐卻被胡腥染

青村遺稿

三

退補齋
藏板

千古香魂洗不清

真如吹玉簫圖

此聲只許鳳凰知誰遣豬龍耳畔吹吹到綵雲驚散處
斷腸聲在落花枝

團扇詞

莫恨秋風入女墻恩情中道易淒涼人間縱有春風樂
歌罷桃花亦斷腸

探梅

乘興扶藜過石橋地平不覺萬山高庭前一樹梅花白

疑是春陰雪未消

溪頭晚歸

野店春寒酒力微
溪雲吹溼上人衣
山童不顧肩書重
更折梅花帶雪歸

幽興

燕子飛來近畫簷
暮春時節雨纖纖
杏花落盡無情緒
何處人家有酒帘

范增

舞劍鴻門計不成
咸陽歸路楚愁生
子房玉斗空撞碎

青村遺稿

三

退補齋藏板

奈有陳平四萬金

蘇武

北海寒深雪滿天
胡雲漠漠漢雲連
將軍不是麒麟種
爭伴羝羊十九年

題蒲萄

漢使當年得種回
至今中國受栽培
秋風馬乳顆顆熟
正可盈缸釀綠醅

青村遺稿終

青村遺稿附錄

題金德原所藏元暉小景

黃潛

床頭書畫正縱橫忽值今朝醉眼醒起向米家船上
看
青山原是舊儀刑

次韻答德原金友

王禕

納納乾坤內紛紛萬事牽文星猶似漆兵氣正如煙轉
覺心憂世其如命在天同君暢懷抱一醉杏花邊

其二

愛聽箏聲曲貪看錦上花青年去如矢白髮坐來加政

青村遺稿附錄

退補齋
藏板

復臨身世無徒戀物華勸君堅晚節湖畔卧煙霞

春日繡湖上與德原同行

十里華川上年來足勝遊雨花林下寺風柳驛邊樓漠
漠芙蓉浦依依杜若洲平生身外事未許付浮鷗

其二

相攜偶出郭縱目路忘賒山色初晴好湖波積雨加春
濃浮酒興人壯惜年華世事猶多故芳辰重嘆嗟

次韻答金德原見寄

蹉跎三十未成名况復時危事足驚歲月逼人深似夢

江湖浪跡若爲情已知干祿無他術可信爲儒誤此生
多謝知心能念我歸歟獻歲對持觥

與德原解后光明溪上

眼見兵連婺女城吾邦騷亂若爲情已應卹緯無他策
要復窮經了此生少室山人空索價杜陵野老欲吞聲
荒村避地相來往日暮班荆蓋共傾

金德原西園宴集得第字

旭日散微暄喬林動清吹雖忻氣候佳頗覺眾芳悴朋
簪得稍盍客屐隨所憩華年嗟易徂嘉會況難值開尊

青村遺稿附錄

退補齋藏板

引清觴有酒須盡醉情真略儀飾理會忘物議維予二
三子夙宿諧深契豈無西掖才未擢南宮第淹時姑陸
沈誰云果忘世獨憐飄泊蹤萍蓬渺根蒂未知今日懽
明年復何地

二月望在鞏昌客館夜夢歸里中與金十二丈傅

九文學同遊高五處士別業既覺有感而賦

東風解凍春二月東還隴西駐吾轍中宵好月入窗明
孤館殊花應時發慷慨旣罷倚醉眠夢裏迢迢返東浙
我家住在縣烏傷奕世衣冠紹先烈青巖之下華川湄

古木修篁蔭門閣里中朋友不數人總角交游到華髮
金丈雖老文益昌傅子方強氣難遏縣南高叟故所居
別墅新營最幽絕大田多稼廩不虛華屋有軒席常設
自余便道過家時三載于今成闊別今日何日乃盍簪
固應舊好三生結竹牀藤簟坐崢嶸橘逕梅蹊行蹙蹙
篇章雜述詩句哦盤饌紛紜酒盃啜既誇答客語仍狂
頗憐哭子言猶噫儼然相對如平生抵掌論心盡懽悅
寒鐘驚覺頓無聊一點青燈自陰滅倍思故隱只山中
卻嘆浮蹤向天末嗟我文章非古人虛名在世真叨竊

青村遺稿附錄

三

退補齋
藏板

一從螭陞到鑾坡久侍清光入金闕每多杜甫能自期
許身欲比稷與高政圖事主盡愚疎豈意謀身轉迂拙
肅將使指往西垂迢遰河山重跋涉嚴風裂面沙眯眸
冰髯霜鬢莖莖折瘦馬衝寒不自禁狐帽貂裘仍狗襪
得非定遠泛星槎無乃中郎持漢節道塗硬塞竟莫通
使事還須遂中輟歸報吾君扣九重天顏咫尺容趨謁
儻矜弱質賜恩光便向明時乞骸骨慈母手線猶滿衣
先人遺書故盈篋鑑湖一曲非所望家山自可采薇蕨

國賓黃先生之官義烏主簿因賦詩奉贈

德原負才氣少也不可羈援經復據史歷歷談是非酒
酣卽狂歌襟度無畛畦左足久蹙蹙想更容顏衰惜哉
承平世遺此磊落姿近聞處村僻轉與世情違

跋金德原和王子充詩後

宋 濂

右德原金先生所和子充王君詩凡一百九十韻時子
充在金陵因黃主簿之官烏傷作詩餞之遂於鄉中舊
遊深致意焉詩止一百二韻凡增多八十有八者乃先
生引而伸之也濂管力疾起讀非惟波瀾浩渺不可涯
涘而其念鄉學之美思官政之治實有得古人風勸之

青村遺稿附錄

四

退補齋
藏板

義視彼摭辭摘句取合於一時者不翅天淵之懸隔矣
昔者柳州同劉賓客述舊言懷寄澧陽張使君五十二
韻之作因其韻增至八十通贈二君今其詩尙存要不
過流連光景嘆悼無聊者之辭耳雖其觸類盡意不厭
其多與先生畧同至於有關世教足以增大彝倫之重
則識者當謂先生之詩爲不徒作也先生氣雄而言腴
發爲文章尤雅健有奇氣又不但長於詩而已先生爲
己之功深不自表襮唯濂知之爲獨至故題諸詩以志

慕艷之私云

白雲許先生墓誌銘

節文

黃潛

既老而益艱瘁僦屋以居有田不足具饘粥而處之裕如門人呂權蔣玄金涓方為先生買田築室而先生逝矣

黃文獻公神道碑銘

節文

危素

至正十七年閏月丙午翰林侍講學士中奉大夫知制誥同修國史同知經筵事金華黃公八十有一薨于家是月己未其孤梓與門人劉涓王禕朱世濂傅藻等葬於所居義烏縣東北三里崇德鄉東塋之原明年以門人翰林國史院編修官同郡宋濂之狀至京師屬臨川危素銘其神道之碑

青村遺稿附錄

五

退補齋藏板

